

Comezan as xornadas sobre saúde mental e emprego no Verbum de Vigo.

Escrito por Redaccion @valminorinfo
Luns, 01 Decembro 2014 13:55

VI Xornadas de Saúde Mental e Emprego

Recuperación, emprego e inclusión

Museo Verbum de Vigo

Martes 2 decembro 2014

De 09:00 a 18:30

Inscripción gratuíta:
xornadasaudeemprego@gmail.com
Telf: 986 485 779
Aforo limitado

Organiza:
SAÚDE MENTAL
FEAFES GALICIA

XUNTA DE GALICIA Deputación Pontevedra CONCELLO DE VIGO

Máis de 150 persoas acudirán ás VI Xornadas de Saúde Mental e Emprego

O encontro, organizado por FEAFES Galicia, terá lugar mañá martes 2 de decembro no Museo Verbum de Vigo.

Na inauguración das Xornadas intervirán Marta Iglesias (PP), deputada provincial de Pontevedra, e Isaura Abelairas, Concelleira de Benestar, Igualdade e Normalización Lingüística do Concello de Vigo.

Mañá, martes 2 de decembro, FEAFES Galicia celebra as VI Xornadas de Saúde Mental e Emprego baixo o lema “Recuperación, emprego e inclusión”. Neste encontro, no que xa están inscritas arredor de 160 persoas, diversos expertos de Galicia e doutros lugares de España intercambiarán experiencias sobre a inserción laboral de persoas con enfermidade mental.

Segundo datos da organización en Galicia hai máis de 41.500 persoas con certificado de discapacidade por enfermidade mental, de entre as cales, menos do 5% teñen un emprego estable. Por ese motivo, “traballar pola inserción laboral deste colectivo é un labor fundamental que FEAFES Galicia quere transmitir a toda a sociedade”, sinalan na convocatoria das xornadas.

Temáticas

Estas xornadas poñen o acento sobre a importancia do emprego no desenvolvemento persoal de calquera individuo e, á vez, as dificultades ou retos engadidos cos que se atopan as persoas con enfermidade mental á hora de conseguir un traballo. As ponencias non só tratarán de expor a actualidade e as dificultades que existen neste eido senón que presentarán tamén posibles camiños ou obxectivos de futuro.

As VI Xornadas

As VI Xornadas de Saúde Mental e Emprego celebraranse no Museo Verbum de Vigo (Avd. de Samil nº 17) e contarán con diversas ponencias e mesas redondas que terán lugar dende as 09:00 da mañá ata as 18:30 da tarde. A participación é gratuíta e está dirixida tanto a persoas con enfermidade mental como ás súas familias, profesionais e estudantes relacionados coa saúde mental, o mundo empresarial e a sociedade en xeral.

Xornada inaugural

Na apertura deste encontro, o Presidente de FEAFES Galicia, Xosé Ramón Girón, estará acompañado por Marta Iglesias, deputada provincial de Pontevedra, e Isaura Abelairas, concelleira de Benestar, Igualdade e Normalización Lingüística do Concello de Vigo.

Entre os temas que se abordarán, trátaranse cuestións como os recursos sanitarios para a autonomía persoal e o emprego; modelos de emprego con apoio dende as perspectivas e

cauces de futuro; novos avances nos recursos da inserción laboral das persoas con enfermidade mental a través do Programa Incorpora Saúde Mental; e o papel do emprego e a familia na recuperación das persoas con enfermidade mental a través dos Centros de Rehabilitación Psicosocial. Contarán ademais con testemuñas en primeira persoa de traballadores con enfermidade mental e de empresarios, ademais de intervencións de múltiples profesionais de diversos ámbitos da saúde mental.

Obxectivos

Un dos obxectivos fundamentais das Xornadas de Saúde Mental e Emprego é difundir boas prácticas e sensibilizar acerca da enfermidade mental, así como xerar un foro de difusión e debate social sobre as dificultades da saúde mental e a súa vinculación co emprego.

FEAFES Galicia

FEAFES Galicia, a Federación de Asociacións de Familiares e Persoas con Enfermidade Mental de Galicia é unha entidade sen ánimo de lucro constituída en 1995. A súa misión é representar os dereitos e necesidades do movemento asociativo das persoas con enfermidade mental. De carácter social, esta entidade ten como obxectivo principal a adopción de medidas que contribúan á mellora da calidade de vida das persoas que sofren problemas de saúde mental e a dos seus familiares.

O ámbito de actuación de FEAFES Galicia abrangue todo o territorio autonómico. Actualmente agrupa a 14 asociacións repartidas por toda a comunidade galega, posúe centros e servizos en 30 localidades e conta cun total de 4.700 socios.

Comezan as xornadas sobre saúde mental e emprego no Verbum de Vigo.

Escrito por Redaccion @valminorinfo
Luns, 01 Decembro 2014 13:55

VI Xornadas de Saúde Mental e Emprego

Recuperación, emprego e inclusión

9:00 - 9:30

Recepción, entrega de documentación

9:30 - 10:00

Apertura das Xornadas

Xosé Ramón Girón, presidente FEAFES Galicia.
Representante da Dirección Xeral de Traballo
e Economía Social, Xunta de Galicia.
Representante da Deputación de Pontevedra.
Representante do Concello de Vigo.

10:00 - 11:15

**Recursos sanitarios: enfermidade,
autonomía persoal e emprego**

Relator: Jose Manuel Olivares, psiquiatra,
responsable do Servizo de Agudos do Hospital
Meixoeiro e Xefe do Servizo de Saúde Mental
do CHUVI.

Presenta: Leopoldo Robla, presidente da
asociación DOA.

11:15 - 11:45

Descanso

11:45 - 13:00

**Modelos de Emprego con Apoio:
perspectivas e cauces de futuro**

Relator: Fernando Bellver, presidente da
Fundación EMPLEA.

Presenta: Rafael Álvarez, xerente da
asociación Avelaíña.

13:00 - 14:00

**Novos avances nos recursos de inserción
laboral das persoas con enfermidade**

mental: Programa Incorpora Saúde Mental
Relator: Pau Gabarrella, coordinador de Salud
Mental INCORPORA de "la Caixa".

Presenta: Carlos Rosón, coordinador do
Incorpora Galicia.

Museo
Verbum
de Vigo
**Martes 2
de decembro
2014**

Inscripción gratuíta:
xornadasaudeemprego@gmail.com
Telf: 986 485 779
Aforo limitado

14:00 - 16:30

Comida

16:30 - 17:30

**Emprego e familia na
recuperación de persoas con
enfermidade mental dende un
CRPS**

Relator: Jesús López, director
do CRPS da asociación Lar.
Presenta: Juan Manuel Adá,
gerente da asociación DOA.

17:30 - 18:30

**Experiencias en 1ª persoa de
traballadores con enfermidade
mental e empresarios**

socialmente responsables
Relator: Adela López Novoa,
gerente de Limpiezas Lei.
Presenta: Manuel Juncal,
orientador de FEAFES Galicia.

18:30

Clausura

Organiza:

